

四庫全書

子部

欽定四庫全書

冊府元龜卷二百八十 宋 王欽若等 撰

宗室部

領鎮第三

梁臨川靖惠王宏字宣達太祖第六子高祖義師下宏  
至新林奉迎拜輔國將軍建康平西遷平即將中護軍領石  
頭戍軍事天監元年為使持節散騎常侍都督揚南徐  
二州諸軍事後將軍揚州刺史四年冬權以宏為都督

南北兗北徐青冀豫司霍八州北討諸軍事八年為持節都督揚南徐二州諸軍事司空揚州刺史十七年以公事左遷侍中普通元年復為持節都督揚南徐二州諸軍事太尉揚州刺史

安成康王秀太祖第七子高祖義師至新林秀與諸王侯並自拔赴軍高祖以秀為輔國將軍是時東昏弟晉熙王寶嵩為冠軍將軍南徐州刺史鎮京口長史范岫行府州事遣使降且請兵高祖以秀為冠軍長史南東海太守

鎮京口城建康平仍為使持節都督南徐兗二州諸軍事南徐州刺史天監二年徵領石頭戍軍六年出為持節都督江州諸軍事平南將軍江州刺史七年遷都督荆湘雍益寧南北梁秦等州諸軍事平西將軍荊州刺史十一年徵為侍中中衛將軍領宗正卿石頭戍事十三年復出為使持節散騎常侍都督郢司霍三州諸軍事安西將軍郢州刺史十六年遷使持節都督雍梁南北秦四州郢州之竟陵司州之隨郡諸軍事鎮北將軍寧蠻

校尉雍州刺史便道之鎮

秀子機嗣安成王普通二年自寧遠將軍會稽太守遷  
明威將軍丹陽尹三年遷持節湘衡桂三州軍事寧遠  
將軍湘州刺史

南平元襄王偉太祖第八子高祖義師起南康王承制  
板為冠軍將軍留行雍州開府事齊和帝詔以偉為使  
持節都督雍梁南北秦四州郢州之竟陵司州之隨郡諸  
軍事寧蠻校尉雍州刺史天監元年進督荆寧二州四

年徙都督南徐州軍事南徐州刺史五年至都改為撫  
軍將軍丹陽尹六年遷持節都督揚南徐二州諸軍事  
右將軍揚州刺史未拜進號中權將軍七年以疾表解  
州改為侍中中撫軍知司徒事九年遷護軍石頭戍軍  
事是年出為使持節散騎常侍都督江州諸軍事鎮南  
將軍江州刺史

鄱陽忠烈王恢太祖第九子天監元年為侍中前將軍  
領石頭戍軍事二年出為使持節都督南徐州諸軍事

征虜將軍南徐州刺史四年改都督郢司二州諸軍事  
後將軍郢州刺史七年進號雲麾將軍進督霍州十年  
徵為侍中護軍將軍石頭戍軍事十一年使持節都督  
荆湘雍益寧南北梁南北秦九州諸軍事平西將軍荊州刺  
史十三年遷散騎常侍都督益寧南北秦沙等州諸軍  
事鎮西將軍益州刺史便道之鎮十八年為使持節散  
騎常侍都督荆湘雍梁益寧南北秦八州諸軍事征西  
將軍開府儀同三司荊州刺史

始興忠武王憺字僧達太祖第十一子高祖為雍州刺史請與憺同行義師起南康王承制以憺為冠軍將軍與南平王偉留守和帝將發江陵詔以憺為使持節都督荆湘益寧南北秦六州諸軍事平西將軍荊州刺史天監七年還朝八年為平北將軍護軍領石頭戍軍事是秋出為持節散騎常侍都督南北兗徐青冀五州諸軍事鎮北將軍南兗州刺史九年春遷都督益寧南梁南北秦沙六州諸軍事鎮西將軍益州刺史十四年遷



都督荆湘雍寧南梁南北秦七州諸軍事鎮右將軍荊州  
刺史

長沙王業高祖長兄宣武王懿子天監二年襲封長沙  
王六年遷左驍騎將軍尋為中護軍領石頭戍軍事七年  
出為使持節都督南兗兗徐青冀五州諸軍事仁威將  
軍南兗州刺史九年除中書令改授安後將軍鎮琅邪  
彭城二郡領南琅邪太守十年徵為安右將軍散騎常  
侍十四年復為護軍領南琅邪彭城鎮于琅邪復徵為

中書令出為輕車將軍湘州刺史

業弟西昌侯藻天監元年出為持節都督益寧二州諸軍事冠軍將軍益州刺史十年為左驍騎將軍領南琅邪太守入為侍中十一年出為使持節都督雍梁秦三州竟陵隨二郡諸軍事仁威將軍寧蠻校尉雍州刺史十二年徵為使持節都督南充充徐青冀五州諸軍事兖州刺史頻蒞數鎮民吏稱之大通元年遷侍中中護軍時渦陽始降乃以藻為使持節北討都督征北大將軍

鎮于渦陽三年為中將軍太子詹事出為丹陽尹大同五年出為使持節督南徐州刺史

永陽王伯游高祖次兄敷之子天監元年四月詔曰兄子伯游雖年識未弘意尚粗可浙東與區宜須撫益可督會稽東陽新安永嘉臨海五郡諸軍事輔國將軍會稽太守襲封永陽郡王

衡陽嗣王元簡高祖第四弟暢之子天監三年襲封除中書郎遷會稽太守十三年入為給事黃門侍郎出為

持節都督廣交越三州諸軍事平越中郎將廣州刺史  
還為太子中庶子遷使持節都督郢司霍三州諸軍事  
信武將軍郢州刺史

桂陽王象長沙宣武王第九子出繼桂陽王融起家寧  
遠將軍丹陽尹出為持節督司霍郢三州諸軍事征遠  
將軍鄂州刺史尋遷湘衡二州諸軍事輕車將軍湘州  
刺史除中書侍郎俄以本官行石頭戍軍事遷侍中太  
子詹事未拜改授持節督江州諸軍事信武將軍江州

刺史

吳平侯景高祖從父弟也天監元年封仍為持節都督  
北兗徐青冀四州諸軍事冠軍將軍南兗州刺史七年  
遷左驍騎將軍兼領軍管天下兵要尋出為使持節督雍  
梁南北秦郢州之竟陵司州之隨郡諸軍事信武將軍  
寧蠻校尉雍州刺史十一年徵右衛將軍領石頭戍軍  
事十二年復為使持節督南北兗北徐青冀五州諸軍  
事信威將軍南兗州刺史十三年徵為領軍將軍直殿

省十七年太尉揚州刺史臨川王宏坐法免詔曰揚州  
應須緝理宜得其人侍中領軍將軍吳平侯景才任此  
舉可以安右將軍監揚州並置佐史即宅為府十九年  
出為使持節散騎常侍都督郢司霍三州諸軍事安西  
將軍郢州刺史

景弟昌天監六年自豫章內史寧朔將軍遷使持節督  
廣交越桂四州諸軍事輔國將軍平越中郎將廣州刺  
史九年分湘州置衡州以昌為持節督廣州之綏建湘

州之始安諸軍事信武將軍衡州刺史

昌弟昂天監初自司徒右長史出為輕車將軍監南充州徵為琅邪彭城二郡太守復以輕車將軍出為廣州刺史

南康簡王績高祖第四子天監八年出為輕車將軍領石頭戍軍事十年遷使持節都督南徐州諸軍事南徐州刺史進號仁威將軍十六年徵為宣毅將軍領石頭戍軍事十七年為使持節都督南充充徐青冀五州諸軍

事南兖州刺史普通四年徵為侍中雲麾將軍領石頭  
戍軍事五年出為使持節都督江州諸軍事江州刺史  
丁董淑儀憂居喪過禮高祖手詔勉之使攝州任固求  
解職乃徵授安右將軍領石頭戍軍事

績子會理嗣為南康王年十五拜輕車將軍湘州刺史  
又領石頭戍軍事遷侍中兼領軍將軍尋除宣惠將軍丹  
陽尹置佐史出為使持節都督南北兖北徐青冀東徐譙  
七州諸軍事平北將軍南兖州刺史



廬陵威王續高祖第五子天監十六年自會稽太守為都督江州諸軍事雲麾將軍江州刺史普通元年徵為宣毅將軍領石頭戍軍事三年為使持節都督南徐梁秦沙四州諸軍事西中郎將南徐州刺史大通三年又為使持節都督雍梁秦沙四州諸軍事平北將軍寧蠻校尉雍州刺史給鼓吹一部大同元年為使持節都督江州諸軍事安南將軍江州刺史三年徵為護軍將軍領石頭戍軍事五年為驃騎將軍開府儀同三司又出為使

持節都督荆郢司雍西北秦梁巴華九州諸軍事荊州  
刺史

邵陵攜王綸高祖第六子普通元年領石頭戍軍事尋  
為江州刺史五年以西中郎將權攝南充州中大通元  
年為丹陽尹大同七年出為使持節都督郢定霍司四  
州諸軍事平西將軍郢州刺史尋遷為安前將軍丹陽  
尹中大同元年出為鎮東將軍南徐州刺史

綸子永安侯確太清中為南中郎將廣州刺史

尋陽王大心太宗第二子高祖大同元年出為使持節都督郢南北司定新五州諸軍事輕車將軍郢州刺史七年徵為侍中兼石頭戍軍事太清元年出為雲麾將軍江州刺史

南海王大臨太宗第四子大寶元年出為使持節都督揚南徐二州諸軍事安南將軍揚州刺史

南郡王大連字仁靖太宗第五子大同十年以侍中兼石頭戍軍事太清元年出為使持節輕車將軍東陽州刺

史

安陸王大春字仁經太宗第六子大同中以為寧遠將軍知石頭戍軍事大寶元年為使持節雲麾將軍東陽州刺史

新興王大莊太宗第十三子大寶元年為使持節都督南徐州諸軍事宣毅將軍南徐州刺史

西陽王大鈞太宗第十四子大寶元年出為宣惠將軍丹陽尹二年監揚州

武寧王大威太宗第十五子大寶二年為信威將軍丹

陽尹

建平王大球太宗第十七子大寶二年為輕車將軍兼

石頭戍軍事

陳宜黃侯慧紀高祖之從孫光大元年以功除持節通

宜散騎常侍宣遠將軍豐州刺史太建十年吳明徹北

討敗績以慧紀為持節智武將軍緣江都督兗州刺史尋

除使持節散騎常侍宣毅將軍都督郢巴二州諸軍事

至德二年遷使持節散騎常侍雲麾將軍都督荆信二州諸軍事荊州刺史

始興王伯茂世祖第二子永定三年自寧遠將軍除使持節都督南琅邪彭城諸軍事彭城太守進號宣惠將軍揚州刺史天嘉三年除鎮東將軍開府儀同三司東揚州刺史

鄱陽王伯山世祖第三子天嘉六年為緣江都督平北將軍南徐州刺史光大元年徙為鎮東將軍東揚州刺史

太建元年徵為中衛將軍中領軍六年又為征北將軍  
南徐州刺史尋為征南將軍江州刺史至德四年出為  
持節都督東揚豐二州諸軍事東揚州刺史

晉安王伯恭世祖第六子太建元年為中衛將軍揚州  
刺史六年出為安南將軍南豫州刺史十四年出為安  
南將軍湘州刺史

衡陽王伯信世祖第七子天嘉元年為宣惠將軍丹陽  
尹禎明元年出為鎮南將軍西衡州刺史

廬陵王伯仁世祖第八子太建七年遷冠軍將軍中領軍尋為平北將軍南徐州刺史

江夏王伯義世祖第九子太建初為宣惠將軍東揚州刺史尋為宣毅將軍持節散騎常侍都督合霍二州諸軍事合州刺史

武陵王伯禮字用之世祖第十子太建初為雲旗將軍持節都督吳興諸軍事吳興太守

承陽王伯智世祖第十二子累遷尚書左僕射出為使



持節都督東揚豐三州諸軍事平東將軍領會稽內史  
桂陽王伯謀世祖第十三子太建中為信威將軍丹陽  
尹十年加侍中出為持節都督吳興諸軍事東中郎將  
吳興太守

豫章王叔英高宗第三子太建元年為宣惠將軍都督  
東揚州諸軍事東揚州刺史五年進號平北將軍南豫州  
刺史十一年為鎮前將軍江州刺史

長沙王叔堅高祖第四子太建四年自東中郎將吳郡

太守為宣毅將軍江州刺史七年進號雲麾將軍郢州  
刺史未拜轉為平越中郎將廣州刺史尋為平北將軍  
合州刺史八年復為平西將軍郢州刺史十一年入為  
翊左將軍丹陽尹是年進號驃騎將軍開府儀同三司  
揚州刺史至德三年出為征西將軍荊州刺史

建安王叔卿高宗第五子太建四年授東中郎將東揚  
州刺史七年為雲麾將軍郢州刺史九年進號平南將  
軍湘州刺史後主即位進號安南將軍

宜都王叔明字子昭高宗第六子太建七年授東中郎  
將東揚州刺史十三年出為使持節雲麾將軍南徐州  
刺史

河東王叔獻高宗第九子太建七年為散騎常侍軍師  
將軍都督南徐州諸軍事南徐州刺史

新蔡王叔齊高宗第十一子太建中出為東中郎將東  
揚州刺史

晉熙王叔文高宗第十二子太建中為輕車將軍揚州

刺史至德元年授持節都督江州刺史二年遷信威將軍督湘衡武桂四州諸軍事湘州刺史

始興王叔重高宗第十四子至德元年為仁威將軍揚州刺史明年加使持節都督江州諸軍事江州刺史

岳陽王叔慎高宗第十六子至德四年拜侍中智武將軍丹陽尹禎明元年出為持節都督湘衡桂武四州諸軍事智武將軍湘州刺史

義陽王叔達高宗第十七子禎明元年除丹陽尹

南平王嶷後主第二子至德元年自南琅邪彭城二郡  
太守遷揚州刺史進號鎮軍將軍尋為使持節都督郢  
荆湘三州諸軍事征西將軍郢州刺史

永嘉王彥後主第三子至德中為忠武將軍南徐州刺  
史進號安南將軍持節都督江巴東衡三州諸軍事江  
州刺史

南海王虔後主第五子禎明二年出為平北將軍南徐  
州刺史

信義王祗後主第六子至德中為壯武將軍使持節都督智武將軍琅邪彭城二郡太守

會稽王莊後主第八子至德中為翊前將軍除使持節都督揚州諸軍事揚州刺史

後魏曲陽侯素延桓帝之後道武征討諸部初定并州為刺史中山平拜幽州刺史

宜都王目辰桓帝之後孝文即位除雍州刺史鎮長安司徒石平文帝之玄孫也從太武南討至瓜步山進位

尚書令雍州刺史

松滋侯萇平文帝之後宣武時為北中郎將帶河內太守歷位度支尚書侍中雍州刺史

萇子華孝莊初除齊州刺史後除濟州刺史孝靜初除南兗州刺史

河間公齊烈帝玄孫也齊孫志字猛略宣武時除荊州刺史孝明帝時為揚州刺史

衛王儀昭成帝孫從道武征伐有功中山平道武將還

代都置中山行臺詔儀守尚書令以鎮之

儀子中山簡王纂始五歲道武命養於宮中恩與皇子同太武踐阼除定州刺史

儀孫沛郡公禎孝文時拜南豫州刺史

陳留景王崇昭成曾孫道武時拜荊州刺史崇孫琛位鎮朔二州刺史

隴西公崐昭成帝之後文成即位除秦州刺史

淮南靖王他道武孫太武時除使持節都督豫雒河南



諸軍事鎮南將軍開府儀同三司鎮虎牢從征於懸瓠  
破之拜使持節都督雍秦二州諸軍事鎮西將軍開府  
儀同三司雍州刺史鎮長安時宋侵南鄙以他威信素  
著復為虎牢鎮都督大將高宗時轉使持節都督京州  
諸軍事鎮西大將軍

他子篤自光祿勳卿出除平北將軍幽州刺史

他孫法壽自中散大夫出除龍驤將軍安州刺史

法壽弟法僧自司馬掾除龍驤將軍益州刺史後徵拜

光祿大夫出為平東將軍兗州刺史轉安東將軍徐州刺史

淮南康王世遵靖王曾孫也宣武時拜前軍將軍行幽州事兼西中郎將又行青州事尋遷驍騎將軍出為征虜將軍幽州刺史孝明時為荊州刺史尋加前將軍沔南蠻首及襄陽民望入密信引世遵請以襄陽內附世遵表求赴應朝議從之詔加世遵持節都督荊州及沔南諸軍事平南將軍加散騎常侍後除平北將軍定州刺史

武昌成王提道武孫太武時拜使持節鎮東大將軍平  
原鎮都大將在任十年大著威名後與淮南王他討平  
吐京叛胡遷使持節車騎大將軍統萬鎮都大將

子簡王平原獻文時蠕蠕犯塞從駕擊之平原戰功居  
多拜假節都督齊兗二州諸軍事鎮南將軍齊州刺  
史孝文時遷都督秦雍梁益四州軍事征南大將軍開  
府雍州刺史鎮長安

原子悼王鑒孝文時出為征虜將軍齊州刺史宣武初

以本將軍轉徐州刺史

鑿兄和襲鑿爵為河南王孝明時出為輔國將軍涼州  
刺史

鑿弟馗自太僕少卿出除安西將軍東秦州刺史

南平安王渾道武孫為廣平王連後太武時拜假節都

督平州諸軍事領護東夷校尉鎮東大將軍儀同三司

平州刺史鎮和龍在州綏導有方徙涼州鎮將都督西

戎諸軍事領護西域校尉渾子哀王纂孝文時出為安

北將軍平州刺史

纂弟之子武貞王仲冏孝文時出為輔國將軍光州刺史遭母憂還孝昌末除秦州刺史

江陽武烈王繼南平王霄之子為江陽王根後孝文時除使持節安北將軍撫冥鎮都大將轉都督柔玄撫冥懷荒三鎮諸軍事鎮北將軍柔玄鎮大將入為左衛將軍兼侍中又兼中領軍留守雒京尋除持節平北將軍鎮攝舊都宣武時除征虜將軍青州刺史轉平

北將軍恒州刺史

繼子羅為平東將軍青州刺史梁武遣將寇邊又為撫軍都督青光南青三州諸軍事入為宗正卿出帝時除使持節驃騎大將軍開府儀同三司梁州刺史

樂安王範明元子太武以長安形勝之地乃拜範衛大將軍開府儀同三司長安鎮都大將

範子簡王良文成時襲王爵拜長安鎮都大將雍州刺

史

東平王翰太武子自中軍大將軍鎮枹罕以信惠撫衆  
羗戎敬服子道符襲爵中軍大將軍獻文踐阼拜長安  
鎮都大將

臨淮懿王提太武孫為梁州刺史

提子孝友襲爵臨淮王累遷滄州刺史

廣陽懿烈王嘉太武孫孝文時拜徐州刺史後為尚書  
左僕射與咸陽王禧等輔政遷司州牧

嘉子忠武王深孝明時拜肆州刺史歷恒州刺史入為

侍中右衛將軍定州刺史

深子文獻王湛孝靜初累遷冀州刺史入為侍中後行  
司州牧

京兆王子推景穆帝子初為侍中征南大將軍長安鎮  
都大將秦雍之人服其威惠孝文即位拜侍中開府儀同  
三司青州刺史子推子大興襲爵拜長安鎮都大將

大興弟饒陽男遙孝明帝時自左光祿大夫仍領護軍  
遷冀州刺史



大興子暹莊帝初為南兖州刺史累遷秦州刺史普泰  
元年除涼州刺史

太興孫文王悰孝靜時累遷司州牧青州刺史

任成康王雲景穆帝子和平五年封拜使持節侍中征  
東大將軍和龍鎮都大將獻文時除都督徐兗二州緣  
淮諸軍事征東大將軍開府徐州刺史後為冀州刺史  
留心政事甚得下情孝文嘉之遷使持節都督陝西諸  
軍事征南大將軍長安鎮都大將軍雍州刺史

子文宣王澄孝文時除都督梁益荆三州諸軍事征南  
大將軍梁州刺史後轉征東大將軍開府徐州刺史甚  
有聲績從坐公事免官尋兼吏部尚書鎮州刺史宣武  
時出為平西將軍梁州刺史辭以母老除安東將軍相  
州刺史復固辭改授安西將軍雍州刺史尋徵赴季秋  
講武除都督淮南諸軍事鎮南大將軍開府揚州刺史  
鎮北大將軍定州刺史


澄子順為給事黃門侍郎時元乂威勢尤盛順曾不詣乂

至於朝論得失順嘗鯁言正議會不阿旨由此見憚出除  
平北將軍恒州刺史轉為安東將軍齊州刺史

澄弟嵩宣武時以武衛將軍兼侍中出為平南將軍荆  
州刺史又除平北將軍恒州刺史轉平東將軍徐州刺  
史又轉安南將軍揚州刺史

嵩子衛縣男世儁自河南尹除鎮東將軍青州刺史

嵩弟瞻自宗正少卿龍驤將軍光州刺史遷平東將軍  
兗州刺史



冊府元龜卷二百八十

欽定四庫全書

子部  
冊府元龜卷二百八十二

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣羅萬選

謄錄監生臣姚培敦

欽定四庫全書

冊府元龜卷二百八十一 宋 王欽若等 撰

宗室部

領鎮第四

後魏南安惠王禎景穆帝子孝文即位除涼州鎮都大  
將尋以綏撫有能加都督西戎諸軍事征西大將軍領  
護西域校尉儀同三司涼州刺史徵為內都大官出為  
使持節侍中本將軍開府長安鎮都大將雍州刺史後以

罪削除封爵以庶人歸第孝文南伐禎從至碓及議遷都禎首從大計帝以禎議定遷都復封爵出為鎮北大將軍相州刺史

禎子獻武王英孝文時為平北將軍武川鎮都大將假魏公未幾遷都督梁益寧三州諸軍事安南將軍領護西戎校尉仇池鎮都大將梁州刺史尋鎮荊州

英子文莊王熙自光祿勳除平西將軍東秦州刺史進號安西將軍尋以本將軍授相州刺史



熙弟誘自衛尉少卿出為右將軍南秦州刺史

英孫魯郡王肅莊帝初除散騎常侍出為後將軍廣州  
刺史後除衛將軍肆州刺史

城陽康王長壽景穆帝子自征西大將軍外都大官出  
為沃野鎮都大將在鎮甚有威名

長壽子懷王鸞孝文時自外都大官出為持節都督河  
西諸軍事征西大將軍領護西戎校尉涼州鎮都大將  
改鎮立州以鸞為涼州刺史姑臧鎮都大將後除使持

節征南大將軍都督豫荆郢三州河內山陽東郡諸軍  
事又除冠軍將軍河內太守轉并州刺史宣武初除平  
東將軍青州刺史轉安北將軍定州刺史

驚子文獻王徽孝明時除右將軍涼州刺史徽以徑途  
阻遠固請不行除散騎常侍其年除後將軍并州刺史  
加安北將軍拜安西將軍秦州刺史詔書旦至夕發徽  
以將之秦部請詣闕恭授仍表啓固陳請不之職莊帝  
踐祚拜司州牧

徽次兄顯恭為荊州刺史莊帝既殺爾朱榮乃除顯恭使  
持節都督晉建南汾三州諸軍事鎮西將軍兼尚書左  
僕射西北道行臺晉州刺史

安定靖王休景穆帝子孝文初庫莫奚寇邊以休為使  
持節侍中都督諸軍事征東大將軍領護東夷校尉儀  
同三司和龍鎮將休撫防有方賊乃款附入為中都大  
官蠕蠕犯塞出為使持節征北大將軍撫冥鎮大將

休子燮宣武初襲拜太中大夫除征虜將軍華州刺史

後為幽州刺史

樊弟永平為征虜將軍南州刺史

永平弟東萊王貴平莊帝時除平北將軍南相州刺史  
廢帝時以本任官行青州事還除車騎將軍加散騎常  
侍出為青州刺史

章武王彬景穆帝孫繼章武敬王後出為使持節都督  
東秦幽夏三州諸軍事鎮西大將軍西戎校尉統萬鎮都  
大將朔州刺史是時吐京胡反詔彬持節假平北將軍

行汾州事率并泗之衆往討之胡平仍除征虜將軍汾州刺史

彬子融為征虜將軍別將南討大摧梁衆于時揚州刺史元嵩為奴所害勅融行揚州事尋除假節征虜將軍并州刺史又為宗正卿以本官行瀛州事遇疾不行未幾除散騎常侍平東將軍青州刺史還為秘書監遷撫軍將軍領河南尹

融弟東安王凝莊帝時除持節安東將軍兗州刺史轉

濟州刺史

樂陵密王思譽景穆帝孫繼樂陵康王胡兒後孝文時  
為鎮北大將軍北征大都將後除使持節本將軍領護  
匈奴校尉都督中軍都將出為使持節鎮東大將軍  
和龍鎮都大將營州刺史領護東夷校尉

思譽子惠王景峇宣武時襲封拜駝騎將軍除持節冠  
軍將軍幽州刺史

景峇弟洪峇為中軍將軍行東雍州刺史

陽平莊王頤景穆帝孫自懷朔鎮大將除朔州刺史景  
明元年薨於青州刺史

頤弟廣陵康侯衍為梁州刺史轉徐州刺史卒於雍州  
刺史衍弟欽為司州牧

濟陰王鬱景穆帝孫位開府為徐州刺史

鬱弟之子靜王誕累遷齊州刺史

鬱弟麗字寶掌宣武時拜雍州刺史遷冀州刺史

汝陰威王暹景穆帝孫卒於齊州刺史

逞子慶和為東豫州刺史

逞弟汎自元士稍遷營州刺史

汎弟脩義自元士為齊州刺史又遷秦州雍州刺史

廣平文貞王匡景穆帝孫繼廣平殤王稚侯後宣武親  
政除肆州刺史遷恒州刺史後為光祿大夫兼宗正卿  
出為兗州刺史又除平州刺史徙青州刺史尋為闕右  
都督兼尚書行臺

安樂王長樂文成第二子獻文承明元年以太尉出為



定州刺史

長樂子詮襲爵宣武初為涼州刺史後除定州刺史

詮子鑿襲爵後除相州刺史

齊郡王子琛繼河間王若後宣武時拜定州刺史孝明時為都官尚書出為秦州刺史

安豐王猛文成第六子孝文太和中加侍中出為鎮都大將營州刺史

猛子延明襲爵孝明時為豫州刺史遷都督徐州刺史

咸陽王禧獻文第二子孝文太和中自侍中驃騎大將軍中都大官出為使持節開府冀州刺史孝文餞於南郊後禧朝京師將還州孝文親餞之賦詩叙意加禧都督冀相充東充南豫東荆六州諸軍事有司奏冀州人蘇僧瓘等三千人稱禧清明有惠政請世昨冀州詔曰利建雖古未必今宜經野繇君理非下請邑采之封自有別式入除司州牧都督司豫荆郢雒東荆六州諸軍事開府如故

趙郡王幹獻文第三子孝丈太和中自車騎將軍左光祿大夫領吏部尚書拜使持節都督南豫郢東荆三州諸軍事征南大將軍開府豫州刺史及帝南伐以幹為使持節車騎大將軍都督關右諸軍事給銅虎符十別賜詩書尋除都督冀定瀛三州諸軍事征東大將軍冀州刺史開府如故後轉特進司州牧

幹子謚自太子中庶子出為冠軍將軍岐州刺史以罪罷州還除大司農卿又除散騎常侍平北將軍幽州刺

史

謚兄諶累遷後將軍肆州刺史固辭不拜後為黃門侍郎進號安南將軍光祿大夫出為散騎常侍中軍將軍相州刺史

諶弟譚自羽林監出為高陽太守為政嚴斷孝明初入為直閣將軍遷光祿少卿行南兗州事除征虜將軍涇州刺史又為安西將軍秦州刺史

廣陵王羽獻文第五子孝文遷都之後北蕃入夷多有

未悟羽鎮撫代京內外肅然及車駕南伐羽進號衛將  
軍除使持節都督青齊光南青四州諸軍事征東大將  
軍開府青州刺史孝明即位遷司州牧

羽子欣孝明時自通直散騎常侍北中郎將出為冠軍  
將軍荊州刺史轉征虜將軍齊州刺史欣在二州頗得  
人和出帝時加太師開府襲封廣陵王除太傅司州牧  
高陽王雍獻文子孝文太和中自散騎常侍除使持節  
鎮北將軍相州刺史常侍如故宣武初遷使持節都督

冀相瀛三州諸軍事征北大將軍開府冀州刺史雍在  
二州微有聲稱入拜驃騎大將軍司州牧

雍子端自散騎常侍出為安東將軍青州刺史時梁武  
遣將寇逼徐揚除端撫軍將軍金紫光祿大夫使持節  
東南道大使處分軍機事平拜鎮軍將軍兗州刺史

端弟誕孝靜初拜侍中車騎大將軍儀同三司司州牧  
北海王詳獻文子孝文太和中累加侍中秘書監趙郡  
王幹薨以詳行司州牧

詳子顥自都官尚書出除散騎常侍撫軍將軍徐州刺史尋為御史彈奏除名其後賊帥宿勤明達叱千騏驎等寇亂幽華諸州乃復顥王爵以本將軍加使持節假征西將軍都督華幽東秦諸軍事兼左僕射西道行臺以功進號征西將軍為侍中驃騎大將軍開府儀同三司相州刺史

顥弟瑱自黃門郎出除平北將軍相州刺史

彭城王勰獻文子孝文太和中從征沔北除使持節都

督南征諸軍事中軍大將軍開府孝明時為使持節侍  
中都督冀定幽瀛營安平七州諸軍事驃騎大將軍開  
府定州刺史又以本官領揚州刺史

勣子劼起家宗正少卿除使持節假散騎常侍平東將  
軍青州刺史

劼子韶襲爵武定末為司州牧

劼兄子直累遷給事黃門侍郎出為冠軍將軍梁州刺  
史



京兆王愉孝文帝太和末拜都督徐州刺史宣武初為  
護軍將軍遷中書監出為冀州刺史

北齊平秦王歸彥神武族弟武成時為司徒威權振主  
乃拜太宰冀州刺史

任城王潛神武子武平初遷太師司州牧出為冀州刺  
史加太宰遷右丞相都督青州刺史

隋義城公處綱高祖族父開皇中以右領軍將軍出拜  
蒲州刺史吏民悅之進位大將軍遷秦州總管

滕穆王瓚高祖母弟開皇初拜雍州牧

瓚子綸開皇初拜邵州刺史

衛昭王爽高祖異母弟開皇中拜雍州牧累遷左領軍  
大將軍權領并州總管轉梁州總管所治甚有聲

河間王弘高祖從祖弟開皇初自右衛大將軍出拜寧  
州總管後數載還京未幾拜蒲州刺史得以便宜從事  
每晉王入朝弘輒領揚州總管晉王歸藩復還蒲州在  
官十餘年風教大治

弘子嗣郇王慶累遷滎陽郡太守頗有治績

秦孝王俊高祖第三子開皇二年拜柱國河南道行臺尚書令雒州刺史三年遷秦州總管隴州諸州盡隸焉平陳之後領揚州總管一十四州諸軍事頗有令聞高祖聞而大悅降璽書獎勵焉

蜀王秀高祖第四子開皇元年拜益州刺史總管二十四州諸軍事十二年入為內史令右領軍大將軍尋復出鎮於蜀

漢王諒高祖第五子開皇十二年為雍州牧累加左衛大將軍十七年出為并州總管帝幸溫湯而送之自山以東至於滄海南抵黃河五十二州盡隸焉特許以便宜不拘律令

蔡王智積高祖弟整之子開皇初襲王爵加開府儀同三司授同州刺史儀衛資送甚盛二十年徵還大業七年授弘農太守

觀德王雄高祖族子大業中檢校鄭州刺史歲餘授懷

州刺史尋拜京兆尹

唐永安王孝基高祖從父弟武德初拜陝州總管

盧江王瑗高祖從父兄子武德元年拜信州總管九年累遷幽州大都督

襄邑王神符高祖從父弟武德四年累遷并州總管九年遷揚州大都督

魏郡公文暕神符少子也歷幽州都督

膠東公道彥高祖從父弟神通之子武德中授隴州刺

史貞觀初轉湘州都督後遷岷州都督

吳國公孝逸道彥之弟高宗末為益州大都督府長史  
光宅初為左王鈐衛大將軍揚州行軍大總管

郇國公孝協高祖從父弟叔良之子貞觀中累遷魏州  
刺史

孝斌孝協弟官至原州都督府長史

襄武王琛高祖從父兄安之子武德中歷蒲絳二州總管  
及宋金剛陷滄州時稽胡多叛轉琛為隰州總管以鎮之

河間王孝恭琛之弟也武德二年授信州總管三年以平蕭銑功遷荊州大總管又以平輔公柝功拜揚州大都督貞觀初除觀州刺史與長孫無忌等代襲刺史

孝恭弟濟北郡王瑊武德中為始州刺史

瑊弟漢陽公瓌武德中代孝恭為荊州都督貞觀四年拜宜州刺史

譙國公崇義孝恭子也歷蒲同二州刺史益州大都府長史甚有威名

崇義弟晦乾封中累除營州都督以善政聞

淮陽王道玄高祖從父兄子也武德中從太宗討王世充東都平拜雒州總管及府廢改授雒州刺史

武都郡王道明道玄之弟也卒於鄆城刺史

江夏王道宗道玄從父弟也武德五年授靈州總管貞觀元年徵拜鴻臚卿大將經畧突厥入拜靈州都督十二年坐賊免十三年起為茂州都督未行轉晉州刺史盧國公景恒道宗子也官至湘州刺史



渤海王奉慈高祖九子高宗顯慶中累遷原州都督

巢王元吉高祖子武德元年授并州總管并州為劉武周所陷元吉拜稷州刺史六年加隰州總管

荆王元景高祖第六子武德八年授安州都督貞觀初遷雍州牧十年授荊州都督久之轉鄜州刺史

漢王元昌高祖第七子也貞觀五年授華州刺史轉梁州刺史

鄴王元亨高祖第八子也貞觀二年拜金州刺史

徐王元禮高祖第十子貞觀六年授鄭州刺史遷徐州都督十七年轉絳州刺史永徽四年加司徒兼潞州刺史韓王元嘉高祖第十一子也貞觀六年授潞州刺史十年加本州都督高宗末轉澤州刺史太后臨朝授定州刺史

武陵郡王誼元嘉之次子也官至濮州刺史

彭王元則高祖第十二子也貞觀七年授豫州刺史十年除遂州都督十七年拜澧州刺史

鄭王元懿高祖第十三子也貞觀七年授兗州刺史歷  
鄭潞絳三州刺史

嗣鄭王敬元懿之子也官至鄂州刺史

霍王元軌高祖第十四子也貞觀元年拜壽州刺史十  
年授絳州刺史尋轉徐州刺史二十三年為定州刺史  
垂拱初自司徒出為湘州刺史轉青州刺史子緒為金  
州刺史

虢王鳳高祖第十五子也貞觀七年授鄧州刺史歷虢

豫青三州刺史

平陽郡王翼鳳之長子也官至光州刺史

定襄郡公宏鳳第三子也則天初為曹州刺史

東莞郡公融鳳第五子也垂拱初為申州刺史

道王元慶高祖第十六子也貞觀九年拜趙州刺史十

年授豫州刺史永徽四年歷滑徐沁衛四州刺史

臨淮王誘元慶之子也為澧州刺史

誘弟詢為壽州刺史

鄧王元裕高祖第十七子也貞觀中歷鄧梁黃三州刺史高宗時又歷壽襄二州刺史兗州都督

舒王元名高祖第十八子也貞觀十一年拜壽州刺史後歷許滑宋三州轉石州刺史在州二十年垂拱年除青州又除鄭州轉滑州刺史

豫章王亶元名子也為江州刺史

魯王靈夔高祖第十九子貞觀十年授幽州都督十四年授兗州都督永徽六年轉隆州刺史後歷襄絳滑定

等州刺史垂拱元年授邢州刺史

嗣魯王道堅靈夔孫也歷果龍吉冀洛汾滄等七州刺史開元二十二年檢校魏州刺史未行改汴州刺史

江王元祥高祖第二十子也貞觀十一年授蘇州刺史高宗時歷金鄜鄭三州刺史

永嘉王暉元祥之子永隆中為復州刺史

密王元曉高祖第二十一子也貞觀九年授虢州刺史二十三年轉潞州刺史永徽中歷宣徐二州刺史

滕王元嬰高祖第二十二子也貞觀十五年授金州刺史永徽中遷蘇州刺史尋轉洪州都督歷壽隆二州刺史梁州都督

吳王恪太宗子武德二年授益州大都督以年幼不之官貞觀十二年授安州都督高宗即位拜梁州都督

成王千里恪長子也初名仁永昌元年授襄州刺史後改名千里歷唐盧許衛蒲五州刺史神龍初拜左金吾大將軍兼領益州大都督廣州大都督五府經略安撫

大使

張掖郡王琨仁之弟也則天朝歷淄衛宋鄭梁幽六州刺史

信安郡王禕琨之子也景雲元年為德蔡衛等州刺史開元後轉蜀濮等州刺史丁母憂起復授瀛州刺史十五年服除授朔方節度副大使知節度事尋遷節度使坐事出為衢州刺史歷滑懷二州刺史

嗣吳王祗禕之弟也天寶末為陳留太守持節充河南



道節度採訪使

濮王泰太宗第四子也貞觀二年授揚州大都督七年轉鄜州大都督並不之官除雍州牧十年遙領湘州都督

齊王祐太宗第五子貞觀初授幽州都督

蜀王愔太宗第六子貞觀七年授襄州刺史十年轉益州都督十三年除岐州刺史

蔣王暉太宗第七子貞觀八年授洛州刺史十年拜安

州都督永徽三年除梁州都督後歷遂湘二州刺史

越王貞太宗第八子貞觀七年授徐州都督十年除揚州都督十七年轉湘州刺史永徽四年授安州都督咸亨中復轉湘州刺史則天臨朝除蔡州刺史

琅邪王冲貞長子也歷密濟博三州刺史

紀王慎太宗第十子貞觀七年授秦州都督十七年遷襄州刺史永徽元年拜左衛將軍二年授荊州都督累除邢州刺史文明元年轉貞州刺史

嗣紀王澄慎少子也歷德瀛冀三州刺史

趙王福太宗第十三子貞觀十八年授秦州都督二十三年累除梁州都督

曹王明太宗第十四子也顯慶中授梁州都督後歷號蔡蘇三州刺史

燕王忠高宗長子永徽元年拜雍州牧顯慶元年廢忠為梁王授梁州都督其年轉房州刺史

原王孝高宗第二子也永徽三年拜并州都督顯慶三

年累除遂州刺史

澤王上金高宗第三子也永徽三年遙授益州大都督  
乾封元年累轉壽州刺史有罪免削至永隆二年二月  
為沔州刺史文明元年為蘇州刺史垂拱元年改陳州  
刺史永昌元年為遂州刺史

許王素節高宗第四子永徽中自雍州牧轉岐州刺史  
被讒出為申州刺史永隆元年轉岳州刺史累除舒州  
刺史

邠王守禮章懷太子次子也睿宗景雲二年帶光祿卿  
兼幽州刺史轉左金吾衛大將軍遙領單于大都護開  
元初歷虢隴襄晉滑等六州刺史

漢中王瑀讓皇帝之次子也玄宗幸蜀加漢中郡太守  
棣王琰玄宗第四子也開元十五年遙領太原牧太原  
以北諸軍節度大使天寶元年六月遙領兼武威郡都  
督河西隴右經略節度大使

鄂王瑤玄宗第五子也開元十二年遙領幽州都督河

北道節度大使

光王琚玄宗第八子也開元十二年遙領廣州都督五府經略大使

儀王璿玄宗第十二子也開元十五年授河南牧

潁王璿玄宗第十三子也開元十五年遙領安東都護平盧軍節度大使安祿山叛除蜀郡都督劔南節度大使

永王璘玄宗第六子也開元十五年遙領荊州大都督

天寶十五載六月玄宗幸蜀至漢中郡下詔以璘為山  
南東路及嶺南黔中江南西路四道節度採訪等使江  
陵大都督

壽王瑁玄宗第十八子也開元十五年遙領益州大都  
督劍南節度大使

延王玢玄宗第二十子也開元十五年遙領安西大都  
護磧西節度大使

盛王琦玄宗第二十一子也開元十五年遙領揚州大

都督及玄宗幸蜀在路除琦為廣陵大都督仍領江南東路及淮南河南等路節度度支採訪等都使

豐王珙玄宗第二十六子也玄宗幸蜀至扶風郡授珙武威郡都督仍領河西隴右安西北庭等路節度採訪都使珙竟不行

彭王儉肅宗第五子也至德三年除儉充河東節度大使

兗王儻肅宗第六子也乾元三年領河北節度大使



涇王健肅宗第七子也乾元三年領隴右節度大使

睦王述代宗第三子大歷十年二月詔充嶺南節度使  
營田五府經畧觀察處置等大使

丹王逾代宗第五子大歷十年二月詔領渭北鄜坊節  
度大使

韓王迴代宗第七子大歷十二年二月除汴宋等節度  
觀察處置等大使

鄜王造代宗第十三子大歷十二年二月除昭義軍節

度觀察處置等大使

舒王誼代宗第三子照靖太子邈之子也建中元年領四鎮北庭行軍涇原節度大使三年詔為揚州大都督持節荆襄江西沔鄂等道節度兼諸軍行營兵馬元帥

通王諶德宗第三子貞元九年十月領宣武軍節度大使汴宋等州觀察度支營田等使王不出閣十一年為河東節度大使亦不出閣

度王諒德宗第四子貞元二年領蔡州節度大使申光

蔡觀察等使十年領朔方靈鹽節度大使靈州大都督  
十一年十月以諒領橫海節度大使滄景觀察等使王  
不出閣十六年以諒領徐州節度大使徐泗濠觀察處  
置等使

建王恪本名審憲宗第七子也元和元年八月授開府  
儀同三司鄆州大都督充平盧軍淄青等州節度營田  
觀察處置陸運海軍押新羅渤海兩蕃等使

梁柳王友裕太祖長子也唐昭宗景福中太祖令權知

許州乾寧二年加檢校司空尋為武寧軍節度留後四年太祖下東平改天平留後加檢校司徒光啓元年再領許州天復初為奉國軍節度留後太祖兼鎮河中以友裕為護國軍節度留後尋遷華州節度使加檢校太保興德尹

廣王全昱太祖長兄也庶人篡位授宋州節度使

惠王友能全昱第二子也未帝時鎮陳州

鄧王友誨全昱第三子也未帝時鎮陝州

後唐睦王存乂莊宗異母弟也同光中歷鄜州節度使  
魏王繼岌莊宗子也莊宗卽位於魏州以繼岌充北都  
留守及以鎮州為北都又命為留守

秦王從榮明宗第二子也明宗踐阼天成初授鄴都留  
守天雄軍節度使三年移北京留守充河東節度使四  
年入為河南尹

末帝長子重吉閔帝嗣位出為亳州團練使

晉高祖幼子重睿開運二年領秦州三年春移領許州

廣王敬威之弟贇高祖從父弟也帝即位遷領忠州刺史天福中歷曹州防禦使河陽節度使開運二年九月出鎮鄧州

韓王暉高祖從弟也天福二年遷授濠州刺史遷曹州防禦使

漢高祖建號晉陽以弟崇為特進檢校太尉行太原尹漢祖將南幸以崇為北京留守尋加同平章事

蔡王信高祖之從弟也國初為侍衛馬軍都指揮使兼

義成軍節度使尋移鎮許州

冊府元龜卷二百八十一



欽定四庫全書

冊府元龜卷二百八十二 宋 王欽若等 撰

宗室部

承襲

傳有世及之訓詩著似續之義自成周列爵大封同姓  
傳祚撫封與國升降者有之矣其事見於春秋傳及太  
史公世家銓次所屬本乎列國秦并天下子弟為匹夫  
漢矯其失廣樹藩戚或象賢濟美聯輝奕葉或推恩繼

絕纂緒傳世魏晉而下何莫繇斯蓋所以隆親親以興仁資繩繩而流詠使其枝葉扶疎以大庇本根犬牙相錯以夾輔王室者也

漢燕王澤高祖從昆弟也孝文二年薨謚曰敬王子康王嘉嗣九年薨子定國嗣定國有罪自殺國除哀帝時繼絕世乃封故王澤玄孫之孫無終公士歸生為營陵侯

無終其所屬縣也公士第一爵歸生名也

楚元王交高祖同父少弟立二十三年薨太子辟非

先卒

辟非者猶辟邪兵之類也先卒者元王未薨之時已卒也

文帝乃以宗正下邳

侯郢客嗣

郢客元王次子

是為夷王郢客立四年薨子戊嗣二

十一年戊反誅景帝立宗正平陸侯禮為楚王

禮元王子奉

元王後是為文王四年薨子安王道嗣二十二年薨子襄

王注嗣十四年薨子節王純嗣十六年薨子延壽嗣

休侯富楚元王子封六年薨子懷侯登嗣一年薨子敬

侯嘉嗣二十四年薨子哀侯章嗣

沈猷夷侯歲楚元王子封二十年子受嗣

棘樂敬侯調楚元王子封十六年薨子恭侯應嗣十五年薨子慶嗣

浮丘節侯不害楚安王子封十一年薨子霸嗣

陽城侯德楚元王曾孫昭帝時為宗正地節中以親親行謹封為陽城侯立十一年子向坐鑄偽黃金當伏法德上書訟罪會薨大鴻臚奏德訟子罪失大臣體不宜賜謚置嗣制曰賜謚繆侯為置嗣傳至孫慶忌復為宗正太常薨子岑嗣為諸曹中郎將列校尉至太常薨傳

子至王莽敗乃絕

趙幽王友高祖諸姬所生也高后時幽死及孝文即位立幽王子遂為趙王

河間文王辟疆趙幽王子孝文二年立十三年薨子哀王福嗣

齊悼惠王肥高祖微時外婦所生也立十三年薨子大襄嗣是為哀王十一年薨子文王則嗣十四年薨無子國除孝文十六年乃分齊為六國盡立前所封悼惠王

子列侯見在者為王以楊虛侯將閭為齊王安都侯志為濟北王武成侯賢為淄川王白石侯雄渠為膠東王平昌侯卬為膠西王勃侯辟光為濟南王孝景三年吳楚反齊王狐疑城守不聽漢破三國聞齊初與三國有謀欲移兵伐齊齊孝王懼飲藥自殺而膠東膠西濟南淄川王皆伏誅國除獨濟北王在齊孝王之自殺也景帝聞之以為齊首善言其初首無逆亂之心以迫劫有謀非其罪也召立孝王太子壽是為懿王二十三年薨子厲王次昌

嗣

管共侯罷軍齊悼惠王子封二年薨子戎奴嗣

氏丘共侯甯國齊悼惠王子封十一年薨子偃嗣

營平侯信都齊悼惠王子封十年薨子廣嗣

楊丘共侯安齊悼惠王子封十二年薨子偃嗣

博陽頃侯就齊孝王子就薨子終古嗣

被陽敬侯燕齊孝王子封十三年薨子穰侯偃嗣二十

八年薨子頃侯壽嗣壽薨子孝侯定嗣定薨節侯闕

嗣閔薨子廣嗣

定敷侯越齊孝王子封十二年薨子思侯德嗣五十一  
年薨子憲侯福嗣福薨子恭侯湯嗣湯薨子定侯秉嗣  
稻夷侯定齊孝王子定薨子簡侯陽都嗣陽都薨子戴  
侯咸嗣四十二年薨子頃侯閔嗣閔薨子永嗣

山原侯國齊孝王子封二十七年薨子康侯棄嗣十四  
年薨子女侯守嗣二十二年薨子發嗣發薨孝侯外人  
嗣



繁安夷侯忠齊孝王子封十八年薨子安侯守嗣守薨  
子節侯壽漢嗣壽漢薨子頃侯嘉嗣嘉薨子孝侯光嗣  
光薨子起嗣

柳康侯陽已齊孝王子陽已薨子敷侯罷師嗣罷師薨  
子于侯自為嗣自為薨子安侯攜嗣攜薨子繆侯軻嗣  
軻薨子守嗣

雲夷侯信齊孝王子封十四年薨子茂發嗣茂發薨子  
康侯遂嗣遂薨子釐侯終古嗣終古薨子得之嗣

牟平共侯泲齊孝王子封五年薨子節侯奴嗣三十五年  
薨子敬侯更生嗣二十九年薨子康侯建嗣一年薨子孝  
侯黈嗣黈薨子釐侯威嗣威薨子隆嗣

柴原侯代齊孝王子封三十四年薨子節侯勝之嗣二  
十七年薨子敬侯賢嗣賢薨康侯齊嗣齊薨恭侯莫如嗣  
城陽景王章齊悼惠王子孝文二年立二年薨子共王  
喜嗣孝文十二年徙王淮南四年復還王城陽凡立三  
十三年薨子頃王延嗣二十六年薨子敬王義嗣九年

薨子惠王武嗣十二年薨子荒王順嗣四十六年薨子戴  
王恢嗣八年薨子孝王景嗣二十四年薨子哀王雲嗣  
一年薨無子國絕成帝永始元年以雲弟俚紹封

辟土節侯壯城陽共王子封三年薨子明嗣

騶丘敬侯寬城陽共王子封六年薨子原侯報德嗣報  
德薨子毋害嗣

南城節侯貞城陽共王子封四十二年薨子戴侯猛嗣  
二十二年薨子元侯尊嗣二年薨子釐侯充國嗣充國

薨子頃侯遂嗣遂薨子友嗣

廣陵虜侯婁城陽共王子封七年薨子成嗣

葭葭康侯澤城陽頃王子封六十二年子夷侯舞嗣舞

薨子頃侯閣嗣閣薨孫永嗣

挾釐侯霸城陽頃王子封三十五年薨子夷侯威嗣二

十一年薨子節侯賢嗣賢薨子頃侯思嗣思薨子孝侯

衆嗣

執節侯息城陽頃王子封五十五年薨子質侯守嗣

虛水康侯禹城陽項王子封三十八年薨子息侯爵嗣  
七年薨子敬嗣

菑川王志齊悼惠王子孝文十六年立為濟北王孝成  
四年徙王菑川元朔中齊國絕悼惠王後唯有二孤城  
陽菑川菑川地比齊比近也武帝為悼惠王冢園在齊乃

割臨菑東園悼惠王冢園邑盡以予菑川令奉祭祀志  
立三十五年薨是為懿王子靖王建嗣二十年薨子  
頃王遺嗣三十五年薨子思王終古嗣二十八年薨子

考王尚嗣五年薨子孝王橫嗣三十一年薨子懷王交  
嗣六年薨子水嗣

劇原侯錯菑川懿王子封十七年薨子孝侯廣昌嗣廣  
昌薨子戴侯胥嗣胥薨子質侯吉嗣吉薨子節侯囂嗣  
囂薨子勝容嗣

懷昌夷侯高遂菑川懿王子封二年薨子胡侯延年嗣  
延年薨子節侯勝時嗣勝時薨子可置嗣

平望夷侯賞菑川懿王子封七年薨子原侯楚人嗣二

十六年薨子敬侯光嗣十四年薨子項侯起嗣起薨子  
孝侯均嗣均薨子旦嗣

臨衆敬侯始昌菑川懿王子封三十一年薨子康侯革生  
嗣十八年薨子項侯廣平嗣廣平薨子原侯農嗣農薨  
子節侯理嗣理薨子釐侯賢嗣賢薨子商嗣

葛魁節侯寬菑川懿王子封八年薨子戚嗣

益都敬侯胡菑川懿王子胡薨子原侯廣嗣廣薨子嘉

嗣

平的戴侯強菑川懿王子封十七年薨子思侯中時嗣  
二十年薨子節侯福嗣十三年薨子頃侯鼻嗣鼻薨子  
釐侯利親嗣利親薨子宣嗣

劇魁夷侯黑菑川懿王子封十七年薨子思侯招嗣三  
年薨子康侯德嗣德薨子孝侯利親嗣利親薨子釐侯  
嬰嗣嬰薨子向嗣

平度康侯行菑川懿王子封四十七年薨子節侯慶忌  
嗣三年薨子質侯帥軍嗣帥軍薨子頃侯欽嗣欽薨子



孝侯宗嗣宗薨子嘉嗣

宜成康侯偃菑川懿王子封十一年薨子福嗣

臨朐夷侯奴菑川懿王子封四十一年薨子戴侯乘嗣  
乘薨子節侯質嗣質薨子孝侯信嗣信薨子安侯禘嗣  
禘薨子岑嗣

陸元侯何菑川靖王子何薨子原侯賈嗣賈薨子延壽  
嗣

廣饒康侯國菑川靖王子封五十年薨子共侯坊嗣十

四年薨子麟嗣

緝敬侯成菑川靖王子封五十四年薨子頃侯龍嗣五  
十年薨子原侯融嗣融薨子閔嗣

俞閭煬侯母害菑川靖王子封四十四年薨子原侯况  
嗣十年薨子麟嗣

淮南厲王長高帝少子孝文六年以謀反廢死八年帝  
憐王有子四人年皆七八歲乃封子安為阜陵侯子勃  
為安陽侯子賜為陽周侯子良為東城侯十六年帝憐

淮南王廢法不軌自使失國早夭乃立厲王三子王淮南故地三分之阜陵侯安為淮南王安陽侯勃為衡山王陽周侯賜為廬江王東城侯良前薨無後

濟北貞王勃淮南厲王子孝文十六年封為衡山王孝景四年徙濟北一年薨子式王胡嗣五十四年薨子寬嗣陰安康侯不害濟北貞王子封十一年薨子哀侯秦容嗣

周望康侯何濟北貞王子封八年薨子當時嗣

陪繆侯則濟北貞王子封十一年薨子邑嗣

安陽侯樂濟北貞王子封三十八年薨子糠侯延年嗣  
十七年薨子康侯記嗣十五年薨子安侯戚嗣戚薨子  
哀侯得嗣

羽康侯成濟北式王子封六年薨子恭侯係嗣係薨  
子棄嗣

德哀侯廣高帝兄子封七年薨子頃侯通嗣二十四年  
薨子康侯齏嗣二十四年薨子何嗣

梁孝王武文帝子立四十五年薨子共王買嗣七年  
薨子平王襄嗣襄立四十年薨子頃王無傷嗣十一年  
薨子敬王定國嗣四十年薨子夷王遂嗣六年薨子荒  
王嘉嗣十五年薨子立嗣二十七年有罪自殺國除後  
王莽白太皇太后立孝王玄孫之曾孫沛郡卒史音為  
梁王奉孝王後

張梁哀侯仁梁共王子封十三年薨子順嗣

代孝王參文帝子立十七年薨子共王登嗣二十九年薨

子義嗣元鼎中漢廣關以常山為阻

依山以  
為關

徙代王於

清河是為剛王并前在代凡立四十年子項王陽嗣二  
十四年薨子年嗣年坐事立三年國除元始二年新都  
侯王莽白太皇太后立年弟子如意為廣宗王奉代孝  
王後

利昌康侯嘉代共王子封五十一年薨子戴侯樂嗣十  
二年薨子頃侯萬世嗣萬世薨子節侯光祿嗣光祿薨  
子刺侯殷嗣殷薨子換嗣

河間獻王德景帝子二十六年薨子共王不周嗣四年  
薨子剛王基嗣十二年薨子項王緩嗣十七年薨子孝  
王慶嗣四十三年薨子元嗣十七年坐殺人廢建始元  
年正月復立元弟上郡庫令良是為河間惠王二十七  
年薨子尚嗣

距陽憲侯句河間獻王子封十四年薨子淒嗣

婁節侯退河間獻王子封十六年薨子釐侯嬰嗣二十  
二年薨子原侯益壽嗣三十一年薨子安侯充世嗣三年

薨子遺嗣

阿武戴侯豫河間獻王子封二十四年薨子敬侯宣嗣  
二十年薨子節侯信嗣二十二年薨子釐侯嬰齊嗣嬰  
齊薨子頃侯黃嗣黃薨子長久嗣

參戶節侯免河間獻王子封四十六年薨子敬侯嚴嗣  
嚴薨子頃侯元嗣元薨子孝侯利親嗣利親薨子度嗣  
州鄉節侯禁河間獻王子封十一年薨子思侯齊嗣齊薨  
子憲侯惠嗣惠薨子釐侯商嗣商薨子共侯伯嗣伯薨



子禹嗣

魯共王餘景帝子立二十八年薨子安王光嗣四十年  
薨子孝王慶忌嗣三十七年薨子項王封嗣二十八年  
薨子文王駿嗣亡後建平三年六月以項王子郤鄉侯  
閔紹封

廣戚節侯將魯恭王子將薨子始嗣

公丘夷侯順魯共王子封三十年薨子康侯置嗣置薨  
子煬侯延壽嗣九年薨子思侯賞嗣賞薨子元嗣

瑕丘節侯政魯共王子封五十三年薨子思侯國嗣四年  
薨子孝侯湯嗣十年薨子煬侯奉義嗣奉義薨子釐侯  
遂成嗣遂成薨子禹嗣

江都易王非景帝子立二十七年薨子建嗣以罪國除  
絕百二十一年平帝時王莽秉政興滅繼絕立建弟盱眙  
侯子宮為廣陵王奉易王後

胡孰頃侯胥行江都易王子封十六年薨子聖嗣

趙敬肅王彭祖景帝子立六十二年薨子昌嗣初彭祖

取江都易王寵姬王建所姦淖姬者甚愛之生一男號淖子彭祖以征和元年薨時淖姬兄為漢宦者武帝召問淖子何如對曰為人多欲帝曰多欲不宜君國子民問武始侯昌曰無咎無譽帝曰如是可矣遣使者立昌是為項王十九年薨子懷王尊嗣五年薨無子絕二歲宣帝立尊弟高是為哀王數月薨子共王充嗣五十六年薨子隱嗣

平千頃王偃趙敬肅王小子立十四年薨子繆王元嗣

尉文節侯丙趙敬肅王子封五年薨子侯犢嗣

封斯戴侯胡傷趙敬肅王子封二十五年薨子原侯如

意嗣五十二年薨子孝侯宮嗣宮薨子仁嗣

朝節侯義趙敬肅王子封十三年薨子戴侯祿嗣祿薨

子固城嗣

烏氏節侯賀趙敬肅王子封十八年薨子思侯安意嗣

二十七年薨子康侯千秋嗣十六年薨子孝侯漢強嗣

漢強薨子艷嗣

易安侯平趙敬肅王子封二十年薨子康侯種嗣種薨  
子德嗣

柏暢戴侯終古趙敬肅王子終古薨子朱嗣

粟節侯樂趙敬肅王子封二十七年薨子煬侯忠嗣忠  
薨子質侯終根嗣終根薨子況嗣

浚夷侯周舍趙敬肅王子周舍薨子孝侯惠嗣惠薨子  
節侯迺始嗣迺始薨子哀侯勲嗣勲薨子承嗣

獠節侯起趙敬肅王子封十三年薨子夷侯克國嗣二十

年薨子共侯廣明嗣廣明薨子釐侯固嗣固薨子鉅鹿嗣  
抑裴戴侯道趙敬肅王子封十二年薨子哀侯尊嗣尊  
薨子頃侯章嗣章薨子釐侯景嗣景薨子發嗣

中山靖王勝景帝子立四十二年薨子哀王昌嗣一年薨  
子康王昆侈嗣二十一年薨子頃王輔嗣四年薨子憲  
王福嗣十七年薨子懷王修嗣十五年薨無子絕四十  
五歲成帝鴻嘉二年復立憲王弟孫利鄉侯子雲客是  
為廣德夷王三年薨無子絕十四歲哀帝復立雲客弟

廣漢為廣平王薨無後平帝元始二年復立廣川惠王  
曾孫倫為廣德王奉靖王後

廣望節侯忠中山靖王子封三十年薨子頃侯中嗣十  
三年薨子思侯何齊嗣何齊薨子共侯遂嗣遂薨子閣

嗣

臨樂敷

古穆字

侯光中山靖王子封二十年薨子憲侯建

嗣建薨子列侯固嗣固薨子節侯萬年嗣萬年薨子廣

都嗣

東野戴侯章中山靖王子章薨子中時嗣

乘丘節侯將夜中山靖王子封十一年薨子戴侯德嗣  
德薨無子外人嗣

柳宿夷侯蓋中山靖王子封四年薨子蘇嗣

樊輿節侯脩中山靖王子封三十六年薨子煬侯過倫  
嗣過倫薨子思侯異衆嗣異衆薨子頃侯土生嗣土生  
薨子自子嗣

安郭子侯傳富中山靖王子傳富薨子登侯偃嗣偃薨



子崇嗣

長沙定王發景帝子立二十八年薨子戴王庸嗣二十  
七年薨子項王鮒嗣十七年薨子刺王建德嗣三十  
四年薨子煬王旦嗣二年薨無子絕歲餘元帝初元三  
年復立旦弟宗是為孝王五年薨子魯人嗣四十八年  
薨子舜嗣

安城思侯蒼長沙定王子封十三年薨子節侯自當嗣  
自當薨子壽光嗣

夫夷敬侯義長沙定王子封十二年薨子節侯禹嗣五十八年薨子頃侯奉宗嗣奉宗薨子釐侯慶嗣慶薨子懷侯福嗣福薨子商嗣

春陵節侯買長沙定王子封四年薨子戴侯熊渠嗣五十六年薨子孝侯仁嗣仁薨子故嗣

都梁敬侯定長沙定王子封八年薨子頃侯侯嗣侯薨子節侯弘嗣弘薨子原侯順懷嗣順懷薨子煬侯容嗣容薨無子他人嗣

衆陵節侯賢長沙定王子封五十年薨子戴侯真定嗣  
二十一年薨子頃侯慶嗣慶薨子骨嗣

安衆康侯丹長沙定王子封三十年薨子節侯山柎嗣  
三十八年薨子繆侯母妨嗣母妨薨子釐侯褒嗣褒薨  
子歆嗣歆薨子崇嗣為王莽所滅建武二年以崇從父  
弟寵紹封建武十三年子松嗣

廣川惠王越景帝子立十三年薨子繆王齊嗣四十四  
年薨初齊坐誣告中尉有司劾大不敬請繫治齊恐上

書願與廣川勇士奮擊匈奴上許之未發病薨有司請除國奏可後數月下詔曰廣川惠王於朕為兄朕不忍絕其宗廟其以惠王孫去為廣川王去即繆王齊子也立二十二年以罪國除後四歲宣帝地節四年復立去兄文是為戴王文素正直數諫王去故帝立焉二年薨子海陽嗣甘露四年以罪國除後十五年平帝元始二年復立戴王弟襄隄侯子瘡為廣德王奉惠王後二年薨子赤嗣膠東康王寄景帝子立二十八年薨武帝聞寄有長子

賢母無寵少子慶母愛幸寄常欲立之為非次因有過  
遂無所言帝憐之立賢為膠東王奉康王祀而封慶為  
六安王王故衡山地膠東王賢立十五年薨謚為哀王子  
戴王通平嗣二十四年薨子頃王音嗣五十四年薨子  
共王授嗣十四年薨子殷嗣

六安共王慶膠東康王子立三十八年薨子夷王祿嗣  
十年薨子繆王定嗣二十二年薨子頃王光嗣立二十  
七年薨子育嗣

臯虞煬侯建膠東康王子封九年薨子糠侯定嗣十四  
年薨子節侯哀嗣哀薨子登侯勲嗣勲薨子頌侯顯嗣

顯薨子藥嗣

魏其煬侯昌膠東康王子封十七年薨子原侯傅光嗣  
三十三年薨子孝侯禹嗣禹薨子質侯嶠嗣嶠薨子嘉

嗣

常山憲王舜景帝子立三十二年薨子勃嗣為王數月

廢國除

真定項王平常山王舜子元鼎二年立二十五年薨子  
烈王偃嗣十八年薨子孝王申嗣二十二年薨子安王  
雍嗣十六年薨子共王普嗣十五年薨子陽嗣

泗水思王商常山王舜少子立十五年薨子哀王安世  
嗣十一年薨無子於是武帝憐泗水王絕復立安世弟  
賀是為戴王立二十二年薨有遺腹子煖相內史不以聞  
太后上書昭帝閔之抵相內史罪立煖是為勤王立三  
十九年薨子戾王駿嗣三十一年薨子靖嗣

燕刺王旦武帝子立三十八年而誅國除六年宣帝即位封旦兩子慶為新昌侯賢為安定侯又立故太子建是為廣陽頃王二十九年薨子穆王舜嗣二十一年薨子思王璜嗣二十年薨子嘉嗣

廣陵厲王胥武帝子立六十四年以罪國除後七年元帝復立胥太子霸是為孝王十三年薨子共王意嗣三年薨子哀王護嗣十六年薨無子絕後六年成帝復立孝王子守是為靖王立二十年薨子宏嗣



高密哀王弘廣陵王胥少子立八年薨子頃王章嗣三十四年薨子懷王寬嗣十一年薨子慎嗣

昌邑哀王髡武帝子立十一年薨子賀嗣立十三年即帝位二十七日廢為海昏侯四年薨坐故行淫辟不得置後元帝初元三年以賀子代宗紹封是為釐侯代宗薨子原侯保世嗣保世薨子會侯邑嗣

淮陽憲王欽宣帝子立三十六年薨子文王玄嗣二十六年薨子續嗣

楚孝王囂宣帝子立二十八年薨子懷王文嗣一年薨  
無子絕陽朔二年成帝復立支弟平陸侯衍是為思王  
二十一年薨子紆嗣

廣戚煬侯勲楚孝王子勲薨子顯嗣

東平思王宇宣帝子立三十三年薨子煬王雲嗣以罪  
自殺國除元始元年王莽白太皇太后立雲太子開明  
為東平王開明立三年薨無子復立開明兄嚴鄉侯信  
子匡為東平王奉開明後

定陶共王康元帝子立十九年薨子欣嗣十五年成帝  
無子徵入為皇太子帝以太子奉大宗後不得顧私親  
乃立楚思王子景為定陶王奉共王後

中山孝王興元帝子立三十年薨子衍嗣七年哀帝崩無  
子徵中山王衍入即位是為平帝太皇太后以帝為成  
帝後故立東平思王孫桃鄉頃侯子成都為中山王奉  
孝王後



冊府元龜卷二百八十二